

14 Sier Benetto Dolfin fo savio a terra ferma, qu. sier Daniel . . . 67.127

16 Sier Tomà Mocenigo fo capitano in Candia, di sier Lunardo procurator 105. 88

10 Sier Simon Capello fo al luogo di Procurator, qu. sier Domenego 51.139

11 Sier Francesco Marzello fo di la Zonta, qu. sier Andrea . . . 68.122

13 Sier Marco Antonio Contarini fo capitano di Fiandra, qu. sier Alvise. 47.139

12 Sier Michiel Malipiero fo patron a l' Arsenal, qu. sier Giacomo. . 53.134

1 Sier Marco Antonio Contarini fo savio a terra ferma, qu. sier Michiel 58.126

non Sier Filippo Bernardo fo savio a terra ferma, qu. sier Dandolo, per esser romaso.

7 Sier Nicolò Pasqualigo fo di la Zonta, qu. sier Vetor. 67.126

5 Sier Marco Antonio da Canal fo conte e capitano a Spalato, qu. sier Polo 56.134

Et balotadi questi, si vene zoso di Pregadi a hore 3 di notte.

A dì 29. La mattina, non fo alcuna lettera da conto.

Veneno in Collegio li do oratori francesi, lo episcopo di Baius et missi r Ambruoxo, ai qual eri per il Collegio li fo mandato a monstrar certa scrittura venuta di Roma. Li quali parlono sopra questa, et ne fariano un' altra loro.

Da poi disnar, fo Consejo di X con la Zonta. Prima feno li Cai di X per Dezembrio, sier Zuan Miani, sier Valerio Valier e sier Priamo da Leze stati altre fiate.

Fu intrato in la materia di Giacomo da Pergo, qual dovendo far il lotto domanda certe cosse, zoè:

.

251* Fu posto, per li Cai di X, la parte dil debito di la comendaria di Cypro, *videlicet* asolver dil tempo l' era dil cardinal Corner, et pagi dal tempo l' ha hauta il fio di sier Zuane Corner suo fradello. Et ballotata non fu presa, manca do balote et la pende. 14, 7, 5.

Fu posto, per sier Polo Nani e sier Alvise Gra-

denigo Cai di X soli, la gratia di sier Lorenzo Maxolo di poter vender le possession e beni soi l'ha ne l' ixola di la Candia conditionadi, et investir intanto stabele o altro in questa terra conditionati etc. La qual parte fu posta do volte in Gran Consejo e il Marti santo e non fu presa. Hora l' impresta ducati 1000 per anni . . . e balotata, fu preso di non.

Vene lettere di le poste Verona, Crema e Bergamo, il sumario dirò qui sotto. Et si stete il Consejo sopra altre parte che messeno, non da conto, fino hore 4 di notte.

Di Verona, dil Proveditor zeneral, di 28, hore 4. Con alcuni avisi, qual perchè poi fono revocati, non fo lecte in Pregadi, però io qui non scriverò il sumario di quelle.

Da Crema, dil Podestà e capitano, di 27, hore 2 di notte. Manda riporto di sier Antonio del Soldato, habita in Crema, partito hozi da Fiesco, come Zobia, a di 24, insite del castello de Milano uno stafiero dil capitano Masin dal Doso, che 'l si ritrova nel castello, mandato a trovar il capitano Francesco suo fratello, el qual è a Soresina, et haverli ditto che debbi portar tutte le sue robe ai Orzivecchi. El qual *etiam* li ha ditto, che 'l Duch a fatto retignir el capitano Zuan Mella et alcuni capi di squadra et compagni erano nel castello, perchè havevano trattato di dar via il castello a spagnoli, i quali lui dice che 'l Duch li farà morir. *Etiam* dice che alcuni homini d'arme dil signor marchexe da Mantoa, et cavalli lizieri che alozano a Sorexina e a Barcenigo sul cremonese hanno habuto comandamento dal signor Marchexe di levarsi et andar di là dil Po. Dice *etiam* che le zente d' arme et cavalli lizieri de ysperi, che erano di là de Po, sono passati di qua da Po et venuti ad alozar a Caxalmazor et a quelli lochi circumvicini, et che hanno habuto comandamento de levarse et andar in Milano. Et che questi che sono in Geradada sono per soccorer Cremona. Et questo dice haverlo dal capitano Francesco fradello dil capitano Masin. 252

Agustin da Crema riporta, che essendo Domenega a Trezo, vide quelli spagnoli che sono nel castello per nome dil signor ducha di Milano, i quali sono circa 70, et hanno victuarie nel castello per tempo assai. Et stavano sopra li muri cantando. Et venendo iui a Crema, un spagnolo che veniva de Vaylat li disse rasonando insieme, fin a tre o quattro zorni si leveremo per andar in cremonese, perchè le altre zente di Geradada sono a li soliti alozamenti,